

## Transkrip Pedoman Wawancara

NO	Pertanyaan	RESPON
<b>Informan: Tana' Bulaan</b>		
1.	Bagaimana pandangan anda tentang stratifikasi sosial dalam masyarakat Toraja?	<p><b>Yusman Ta'diampang:</b> mintuna tondok inde Toraja nang den nasang ya tudikua kaunan sia puang, susi duka inde kalumpang to. Semua daerah di Toraja terdapat indo sola ambe dan juga ada anak, yamoto na den tu dikua pembagian tongkonan, yamotu tongkonan layuk, pekaamberan sia batu ariri.</p> <p><b>Bapak Dore':</b> Nang tongan to kumua mintuna tondok inde toraya nang den nasang ya tudikua indo ba'tu ambe lan tondok sia den duka tu dikua anak. Yatu dikua tongkonan layuk yamoto tongkonan madaoanna to, sia mintuna ada' nang digaraga nasang jo tongkonan layuk. Na yatu disanga tongkonan peamberan ba'tu pekaindoran, dadi jo mai tongkonan layuk, ba'tu dikua anak topatalo. Yatu tongkonan pekaamberan sibuda ya biasa misa dusun misa duka tongkonan pekaamberan lan. Nayatu disanga tongkonan batu ariri taek ya na ma'din lamakuasa to, susi riya banua biasa tu tongkonan yato, apo ma'din duka nanei pa'tondokan sipakada kela untkombong i misa sara.</p>
2.	Bagaimana posisi <i>Tongkonan Sarira</i> di Dusun Kalumpang?	<p><b>Bapak Okta:</b> Tongan kumua yatu kita toraya nang ma'din den tu dikua tomatua sia anak lan misa tondok, susi duka inde kalumpang to. Yatu Tongkonan ki ini sarira misa tongkonan ludio mai puang balusu yamoto tongkonan lan tangana tondok balusu. Rampo kan inde kalumpang yatu kami te anak topatalo kan, kigaraga tongkonan yamoto nayate tongkonan ki tongkonan indo sia ambe nayatu tongkonanna layukki lan Balusu.</p> <p><b>Bapak Yusman Ta'diampang:</b> yatu tongkonan ki nang tongkonan papuangan. Sebagai tongkonan puang, kami memiliki tugas untuk mengayomi masyarakat yang ada, ba'tu dikua anak lan tondok.</p>

<p>4.</p>	<p>Sebagai kelas bangsawan, bagaimana bentuk hegemoni kepemimpinan <i>Tongkonan Sarira</i> dalam masyarakat?</p>	<p><b>Bapak Rien:</b> yatu dikua kuasa nang kipalan kami kaleki to kumua nang tongkonan ki kami tu ma'din disa'bu tongkonan puang inde kalumpang. Belanna yatu dolona yatu anak ba'tu mintu tongkonan inde kalumpang tomatuanki umpakandei, malaku mase tu tau lako kami ki benni yamoto na ma'din kumua anakki tu tua inde kalumpang salian dio mai tongkonan sarira. Ya duka tu kuasanki, nang napatoroankan ada' ta toraya. Belanna ada' tu umpasipulungki, nang mintu ya tondok lan toraya nang ma'din den dikua puang sia kaunan.</p> <p><b>Bapak Yusman:</b> Yatu tongkonan sia nene todoloki nang lendu ya umpakaboro anakna tu mintu tau inde kalumpang. Rampo umpalaku kande naben, umpalaku inan banua na ben, sia uma na mintuna. Sia la'bi raka yatu tomatuanna tau inde kalumpang pirang bongi, tomatuanki kami umpantunuanni.</p> <p><b>Bapak Dore':</b> tae ya na ma'din kikua kiparentah tu tau, tapi na pori ki ada' sola nasang. Belanna ada' ta den tu toraya sia belanna ada' duka ri na den tudikua ambe sia anak lan misa tondok. Dadi nang taek yang lalan tumati la tae na pekaambeikan sia pekaindoikan belanna ya tongkonan ki nang tongkonan pekaindoran ya.</p> <p><b>Bapak Okta:</b> Na yoo, yatu tongkonan ki nang to untoe kan kami parentah. Mintu tongkonan inde kalumpang nang kami tu indo sia ambena. Belanna dolona nenekki ri umpakandei, sia ki ben padang, uma, inan banua na mintu-mintuna.</p>
<p>5.</p>	<p>Sebagai <i>tana' bulaan</i> yang memiliki <i>Tongkonan</i> dan kekuasaan, sejauh mana kekuasaan <i>Tongkonan Sarira</i> di Dusun kalumpang</p>	<p><b>Bapak Okta:</b> Yatu tongkonan ki nang tongkonan pekaindoran sia pekaamberan ya. Kami te ludio kan mai tongkonan layuk lan balusu yamoto tongkonanna puang balusu lan to. Rampo kan inde kalumpang ma'lili kan na yamoto na mintu padang inde kalumpang apangki nasang.</p> <p><b>Bapak Yusman:</b> Sebagai tongkonan papuangan, yatu tongkonan ki yamo tongkonan madao na inde kalumpang. Yatu padang inde kalumpang palili ki nasang apo belannna mamase tu nene todolo ki ki</p>

		pabenagnni lako anak ki termasuk tongkonan torombi' inde jong.
6.	Apakah dari sekian banyaknya <i>Tongkonan</i> di Dusun Kalumpang, <i>Tongkonan To'rombi'</i> merupakan salah satu keluarga yang berada di bawah kekuasaan <i>Tongkonan Sarira</i> ?	<b>Pong Rien:</b> Yake ditimbak-timbak I sule tu nene todolota, yatu keluarga jong to'rombi anak ki. Belanna anak, nang lana tambai kan ya indo sia ambe, sia belanna anak nang ma'din ia la turu' lako kami. Yake ditiro I ada' ta toraya, sebenarnya taek ia hak tu to jong to'rombi la pabendan tongkonan, belanna kaunan, sia tokisua. Yari natuo belanna kikamsei apo ma'din duka lana hargai kan sebagai tomatuanna.
<b>Informan Tana' Kua-kua</b>		
1.	Bagaimana pandangan anda tentang strata sosial dalam masyarakat?	<b>Papa Januar:</b> Yatu kita toraya nang ditandai kumua yatu dikua tana' lan mintu tondok inde toraya inang den ya.  <b>Ibu Disma:</b> Yake aku sia keluargaku nang yatu dikua tana' lan tondok nang ma'din ya den to. Tapi parallu ditandai tu mintu sikona na dikua yato keluarga iato tana' yato nani. Yatu tongkonanki to'rombi, taek ra kami na pokaunankan sarira sanganni to patalo duka kan kami.  <b>Papa Ikel:</b> nang ma'din tongan tu dikua tana' lan tondok toraya. Mintuna ya tondok to nang den yatu dikua tana'  <b>Papa Dika:</b> Yatu dikua <i>tana'</i> kita totoraya nang ma'din ya ditandai kumua mintu tondok den nasang ya lan to.Pa yari tu dadi masalah biasa den tu taek natandai kumua <i>tana'</i> apara te sia <i>tana'</i> apara te <i>tongkonanki</i> . Yayato tu parallu ladi tandai sola nasang
2.	Apakah dari sekian banyaknya <i>Tongkonan</i> di Dusun Kalumpang ini, <i>Tongkonan To'rombi'</i> merupakan salah	<b>Ibu Disma:</b> taek...yatu kami inde to'rombi nang kiakui kumua yatu sarira nang tongkonan papuangan iaa, kiakui to. Tapi taek na ma'din lanakua tu to dao sarira kumua napokaunan nasang tu tau inde balusu, belanna ya tu kami inde to'rombi topatalo duka kan kami, sia

	<p>satu <i>Tongkonan</i> di bawah kekuasaan <i>Tongkonan Sarira</i>?</p>	<p>taek na den tu tongkonan la ma'din ussua kan.</p> <p><b>Papa Ikel:</b> taek na tongan to, yatu tongkonan ki inde to'rombi nang topatalo kan kami. Tae duka kikua tongkonan pa'puangan tu tongkonan ki, apo yatu kami <i>tana' bassi</i> kan yamotu tana' topatalo taek na ma'din lana sua-sua kan tau.</p> <p><b>Papa Dika:</b> taek, yatu kami inde to'rombi nang topatalo kan kami. Tae duka kikua tongkonan pa'puangan tu tongkonan ki, apo yatu kami <i>tana' bassi</i> kan yamotu tana' topatalo taek na ma'din lana sua-sua kan tau.</p>
<p>3.</p>	<p>Apa yang mendasari <i>Tongkonan To'rombi</i> memberikan perlawanan terhadap <i>Tongkonan sarira</i>?</p>	<p><b>Ne'Agus:</b> Yatu kami inde to'rombi, taek ra kikua tang maperangi kan, sia tae ra kikua landakan kan kasisalan, sanganni yasia kikua taek na sua-sua kan tau inde to'rombi, belanna taek na bela den pepasan jo mai nene to doloki sae lako kami totemo, kumua todisia kan.</p> <p><b>Ibu Disma:</b> Yasia ki kua taek kitarima tu nasanga sarira kumua kaunannakan, belanna taek pepasan rampo lako kami jo mai nene todolo ki kumua to nasuakan. Ya manna ri pepasan na bengan nakua yatu kita inde to'rombo dolo na memang buda apanna to dao sarira na bengki, susi te mai uma, inan banua sia mintu-mintu, apo tae ra kumua lana sua ki ba'tu napokaunankan. Sangadinna na bengan tomai saba napakaboro kan.</p> <p><b>Papa Janwar:</b> Yatu to dao sarira, nang kipatongan kumua anak topatalo ya lan mai tongkonan puang balusu. Apo yake nakui mintu tongkonan inde kalumpang termasuk inde to'rombi kumua kaunanna, taek kitarimai to. Belanna yatu kami inde to rombi' to patalokan sia taek pepasan lako kami kumua tona suakan to sarira.</p> <p><b>Papa Ikel:</b> yatu kami inde torombi' nala turu' kan kami kenna la den pepasan lako kami kumua yatu kami kaunanna kan to sarira. Apo belanna taek pepasan jo mai nene to doloki, taek kimorai. Yari tu rampo lako kami dikuan rakan kumua yatu to sarira memang to boda ya</p>

		<p>apanna. Yatu nene todoloki nang napakande to sarira, na benkan inan banua sia uma, apo yatu mintuna to na benkan saba na pakaborokan, apo tae ora nakua lana sua-sua kan. Totemo mira tu mati' na tiro madiiong lu mokan na nasangan mokan kaunanna.</p> <p><b>Papa Dika:</b> Yatu tongkonan sarira, nang kipatongan kumua anak topatalo ya lan mai tongkonan puang balusu. Apo yake nakui mintu tongkonan inde kalumpang termasuk inde to'rombi kumua kaunanna, taek kitarimai to. Belanna yatu kami inde to rombi' to patalokan sia taek pepasan lako kami kumua tona suakan to sarira.</p>
<b>Informan Pemerintah</b>		
1.	Apakah masyarakat Kalumpang hingga kini menjunjung tinggi adat dan budaya yang dalam hal ini stratifikasi sosial dalam masyarakat?	<b>Papa ela':</b> Ioo, nang ditandai ya kumua yatu kita inde toraya na nang den yatu dikua tana' lan tondok, susi duka mo inde kalumpang to. Dadi den tu dikua tana' bulaan ba'tu toparengge, tana'na to patalo ba'tu tana' bassi, den duka dikua tana' kua-kua. Na yatu kami inde kalumpang yatu tana' nang na patongan pa masyarakat to.
2.	Perbedaan kelas dalam masyarakat telah memicu konflik yang berkepanjangan, bagaimana pemerintah menanggapi masalah tersebut?	<b>Papa Ela':</b> nang tongan li tuu. Mintu tau inde Balusu nang natandai kumua belanna yate tongkonan jong to'rombi taek mo nasanga kalena todisia, nayate keluarga dao sarira, taek duka namorai saba nang nakua ya yatu to inde kalumpang to nasua nasang, taek na morai mengalah. Na yato masalah yatu nang pusing mokan duka tangarranni. Buda moa pa kipogau tu kami to maparentah. ya tonna taun 2021 na mulai te masalah, yatu kami to maparentah kitambai te dadua tongkonan ki pasipakada meloi jo kantoro, kikua nalasipoapa riki na torro ki sola lan banuanta lan dusunta, nang la tontong ki ia tu sibalihan. Apo yato belanna taek pale naperangi kan, na garage mi ia kombongan inde balusu na ma sidang adat dao sarira tongga 2021. Yatu kusa'ding na, yatu keputusan dao dolo to, lana ulai te toto'rombi ke tae na

		<p>akui kalena kumua kauanna to sarira, na benni attu tallung pulo allonna tu torombi untangarrani to. Tapi yato sanggallo, taek pa te to jomai to rombi' rampo lan sidang iato. Ya pale tonna rangi to jong to rombi' te keputusan taek mi naterima. Na namanya sidang adat, tidak mengikat jadi napattarru ia lako pengadilan te kasus iate.</p> <p><b>Ibu Ela':</b> memang benar bahwa konflik ini telah mengakibatkan rusaknya hubungan sosial dalam masyarakat inde kalumpang. Musanga raka, yatu tau inde kalumpang to temo, taek mo nasibalian keden sara' taek na sikamboroan ke lako lalan, kesitammui belanna yamo tomai masalah ia to. Dolo na aman-aman semua, nang sipakaboro ya, tapi yatonna marenovasi te to jong to'rombi, tongkonanna na renovasi taek mi naterima to sarira, nakua kadek madao maro te tongkonanmi na taek komi lalan lami pasusi to tongkonanmi. Eeee si kara-kara mi te totorombi' sola to sarira sae lako totemo. Na kukuan dikka lasipoumba riki inde tondok tapi nang taek ya na maperangi.</p>
<b>Informan Pihak Agama</b>		
1.	Masyarakat dusun Kalumpang hingga kini menjunjung tinggi status sosial dalam masyarakat. Bagaimana tanggapan gereja dalam melihat fenomena tersebut?	<p><b>Ibu Meri:</b> Yang pertama yang mau saya katakan bahwa gereja dan adat Toraja secara umum, memang tidak bisa disatukan, namun harus tetap berjalan bersamaan. Memang benar di Kalumpang sekarang itu masalah sosial telah menjadi masalah besar yang juga berdampak bagi gereja. Sebelum masalah ini terjadi kemarin itu, masyarakat hidup dalam kedamaian, saling membantu dan dapat dikata sesuailah dengan harapan gereja. Namun pada saat masalah ini muncul, sangat nyata nampak masalahnya dalam masyarakat. Totemo yatu gereja nang simisa-misa tongan mora jemaat rampo, bahkan hilang mi kerja sama yang selama ini mereka bina, tidak ada tolong menolong dan lainnya. Kondisi ini membuat kami pihak gereja merasa tidak nyaman merasa kami gagal dalam memberitakan injil. Maka dari itu, saat setelah konflik ini terjadi, kami bersama seluruh majelis berdiskusi dan bekerja sama, termasuk kami mengunjungi kedua keluarag yang berkonflik dan</p>

		<p>menjelaskan kepada mereka bahwasannya kita manusia pada hakekatnya sama di mata Tuhan. Taek ki yatu dikua madao ba'tu mading ke jo ki olona puang, sanganni pada nasang ki. Tapi sekali lagi saya katakan bahwa, pemicu konflik ini karena adat, na yatu kita totoraya nang taek ya tala ka'tu jomai ada' ta. Makanya saya bilang adat dan gereja itu memang pada hakekatnya tidak bisa kita satukan, tapi nang ta'tta ia ladi pasibawa.</p> <p><b>Papa Ike:</b> Yatu status sosial inde balusu memang nang na patangon pa ya masyarakat. Apo belanna yamoto mai na berkonflik mi te sarira sola to'rombi. Nang memang nyata bahwa masalah ini membawa dampak besar bagi masyarakat. Dulunya masyarakat hidup damai, saling membantu dan sebagainya, kini mereka hidup dalam kebencian. Na kita te todikua tomapatongan ki, to untoe ki aluk tae na ma'din ditiro-tiro, belanna berdampak duka lako kapatonganna masyarakat te masalah iate. Totemo simisa-misa mira tu jemaat rampo lan kombongan lan gereja sia sikabiri mo tu tua inde kalumpang.</p>
3.	<p>Apa yang menjadi harapan gereja dalam menghadapi masalah sosial dalam masyarakat?</p>	<p><b>Ibu meri:</b> tentunya kami merindukan kedamaian, kami rindukan kesejahteraan kembali dirasakan oleh masyarakat disini. Kami selaku pihak agama yang hadir dalam posisi yang netral, selalu mendoakan kedua kellularga, agar secepatnya dapat kembali berdamai.</p> <p><b>Papa Ike:</b> Nang marannu kan lasipakaboro tu kombongan inde kalumpang. Taek na ma'din lasikabiri, sanganni la tontong ia sipakaboro, situnduan ke den apa napogau susi dolona. Nang yari to tu kami kirannuan.</p> <p><b>Bapak Suardi:</b> Ke kami nang kirannuan kumua lasipakaboro tu tau inde kalumpang. Na minna raki na pada kita, lasipoumba riki ke den ki narua te mai pa'di ba'tu sakkalangan na la kita ri tu to lan tondok lasi balian sia lasipakilala. Nala ma'apa ki ke sikabiri moki.</p>